

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice

Komisija za izbor kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo

Broj: 02-04-25031-15-1/20
Sarajevo, 24.07.2020. godine

POSLOVNIK O RADU

Komisije za izbor kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo

Član 1.

Ovim poslovnikom uređuje se način rada i odlučivanje Komisije za izbor kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo imenovane Rješenjem Vlade Kantona Sarajevo broj: 02-04-25031-15/20 od 16.07.2020. godine.

Član 2.

Zadaci Komisije propisani su u Zakonu o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) i Odlukom o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13, 51/15 i 11/17).

Član 3.

Gramatička terminologija korištenja muškog i ženskog roda za pojmove u ovom poslovniku uključuje oba roda.

Član 4.

Komisija će zasjedati i sastanke održavati u prostorijama Ministarstva za rad, socijalnu politiku, raseljena lica i izbjeglice Kantona Sarajevo i u Multimedijalnoj sali Kantona Sarajevo, ul. Reisa Džemaludina Čauševića br. 1. Sarajevo, u zavisnosti od potrebe i raspoloživosti.

Član 5.

(1) Prije početka rada, članovi Komisije mogu podnijeti zahtjev za razrješenje na članstvo u Komisiji.

(2) Zahtjev za razrješenje se podnosi Ministarstvu za rad, socijalnu politiku, raseljena lica i izbjeglice Kantona Sarajevo, a o zahtjevu za razrješenje odlučuje Vlada Kantona Sarajevo rješenjem.

Član 6.

(1) Sastanci Komisije se održavaju po potrebi i pozivu predsjednice Komisijē.

(2) Na sastancima se vodi zapisnik koji potpisuje predsjednica Komisije.

Član 7.

Za održavanje sastanaka, kao i prilikom intervjua kandidata potrebno je da prisustvuje najmanje nadpolovična većina članova Komisije.

Član 8.

(1) Komisija pregleda dokumentaciju kandidata i razmatra prijave koje su stigle u propisanom roku.

(2) Komisija provodi postupak uvažavajući principe zakonitosti, kvalitete, otvorenosti i transparentnosti, zastupljenosti pri zapošljavanju.

(3) Na osnovu principa iz stava (2) ovog člana i uslova za imenovanje Komisija sastavlja listu s užim izborom najboljih kandidata, koji se pozivaju na intervju.

(4) Kandidatima koji nisu ušli u užu izbor Komisija će poslati pisanu odbijenicu i pozvati ih da preuzmu dokumentaciju.

(5) Dokumentacija kandidata se cijeni savjesno i brižljivo i u tom pravcu Komisija nema potrebe utvrđivati općepoznate činjenice i činjenice čije postojanje zakon pretpostavlja, ali je dopušteno dokazivati njihovo nepostojanje, kao i činjenice koje zakon pretpostavlja i ne dopušta ih osporavati.

(6) Komisija ima pravo i obavezu da u cilju pravilnog i zakonitog imenovanja, utvrdi sve činjenice i okolnosti koje su značajne za razjašnjenje stvari i na kojima treba da temelji izbor kandidata.

Član 9.

(1) Ocjenjivanje kandidata vrši se brojčano.

(2) Osnov za ocjenjivanje kandidata je Odluka o standardima za izbor i ocjenjivanje kandidata u postupku izbora kandidata koju donosi Komisija, a potpisuje predsjednica Komisije.

(3) Komisija je dužna osigurati da svi kandidati koji budu dostavljeni na potvrdu ispunjavaju kriterije i standarde za imenovanje.

Član 10.

Sve akte koji proizilaze iz rada Komisije potpisuje predsjednica Komisije.

Član 11.

Izmjene i dopune ovog poslovnika vršit će se na način na koji je donesen.

Član 12.

Ovaj poslovnik stupa na snagu danom donošenja.

KOMISIJA ZA IZBOR

Edina Jakubović, predsjednica _____

Senita Žilić, članica _____

Zoran Jovetić, član _____

Adem Alić, vanjski član _____

Nermin Džino, vanjski čl _____